

**ODLUKU****O DAVANJU SAGLASNOSTI ZA IMENOVANJE  
DIREKTORA JAVNE USTANOVE OSNOVNA ŠKOLA  
"HAŠIM SPAHIĆ" ILIJAŠ****I**

Daje se saglasnost Školskom odboru Javne ustanove Osnovna škola "Hašim Spahić" Pijaš, da se Nihad Salkić, profesor tehničkog odgoja i informatike, imenuje za direktora, na mandatni period od četiri (4) godine.

**II**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-28993-19/22  
28. jula 2022. godine  
Sarajevo

Po ovlaštenju premijera  
Ministrica  
**Aleksandra Nikolić, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 25. Zakona o mladima Federacije Bosne i Hercegovine ("Službene novine Federacije BiH", broj 36/10), Vlada Kantona Sarajevo, na 87. sjednici održanoj 28.07.2022. godine, donijela je

**ODLUKU****O SUBVENCIONIRANJU DIJELA ZAKUPNINE STANA  
ILI KUĆE MLADIM U BRAČNOJ ILI VANBRAČNOJ  
ZAJEDNICI****Član 1.****(Predmet)**

Ovom odlukom propisuju se sredstva, uslovi, kriteriji bodovanja, postupak podnošenja zahtjeva, utvrđivanje liste reda prvenstva kandidata za subvencioniranje dijela zakupnine stana ili kuće na području Kantona Sarajevo, mladim u bračnoj ili vanbračnoj zajednici i postupak dodjele sredstava.

**Član 2.**

(Sredstva za subvencioniranje dijela zakupnine stana ili kuće mladim u bračnoj ili vanbračnoj zajednici)

- (1) Sredstva za subvencioniranje dijela zakupnine stana ili kuće na području Kantona Sarajevo, mladim u bračnoj ili vanbračnoj zajednici planirana su u Budžetu Kantona Sarajevo za 2022. godinu, u okviru Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: Ministarstvo), na poziciji kapitalni transferi pojedincima 615200-YAU 028.
- (2) Ministarstvo na ime subvencioniranja dijela zakupnine stana ili kuće mladim u bračnoj ili vanbračnoj zajednici, po redoslijedu sa konačne rang liste reda prvenstva, subvencionira iznos zakupnine od 200,00 KM, mjesečno, a za period šest mjeseci.

**Član 3.****(Značenje pojedinih pojmova)**

Pojmovi upotrijebljeni u ovoj odluci imaju sljedeće značenje:

- a) "subvencioniranje" je odobravanje nepovratnih novčanih sredstava na ime djela zakupnine,
- b) "zakupnina" je novčana naknada koju mladi u bračnoj ili vanbračnoj zajednici, kao zakupci plaćaju licu koje im iznajmljuje stan ili kuću (zakupodavcu), na ime korištenja stana ili kuće,

- c) "lice koje nema riješeno stambeno pitanje" je lice koje samo kao i njegov bračni ili vanbračni partner, nisu vlasnici stana ili porodične kuće u mjestu rođenja na području Bosne i Hercegovine i teritoriji Kantona Sarajevo,
- d) "član porodičnog domaćinstva" je bračni ili vanbračni partner, dijete rođeno u braku ili van braka, usvojenik i drugo lice koje je podnositelj prijave dužan izdržavati, a živi sa imenovanim u zajedničkom domaćinstvu u zadnje tri godine,
- e) "bračna zajednica" je zakonom uređena zajednica života žene i muškarca, u smislu člana 6. Porodičnog zakona Federacije Bosne i Hercegovine ("Službene novine Federacije BiH", br. 35/05, 41/05 i 31/14),
- f) "vanbračna zajednica" je zajednica života žene i muškarca koji nisu u braku ili vanbračnoj zajednici sa drugim licem, koja traje najmanje tri godine ili kraće ako je u njoj rođeno zajedničko dijete, u smislu člana 3. Porodičnog zakona Federacije Bosne i Hercegovine,
- g) "invalidnost" - podrazumijeva procenat invalidnosti utvrđen u skladu sa odredbom člana 12. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18) i odredbom člana 39. Zakona o penzijskom i invalidskom osiguranju ("Službene novine Federacije BiH", broj 13/18, 90/21 i 19/22).

**Član 4.**

(Uslovi za subvencioniranje dijela zakupnine stana ili kuće mladim u bračnoj ili vanbračnoj zajednici)

Uslove koje podnosioc zahtjeva za subvencioniranje dijela zakupnine stana ili kuće mladim u bračnoj ili vanbračnoj zajednici mora ispuniti su:

- a) da je starosne dobi od navršenih 18 godina do manje od navršenih 38 godina u momentu podnošenja zahtjeva,
- b) da je državljanin Bosne i Hercegovine,
- c) da ima prebivalište na području Kantona Sarajevo neprekidno u trajanju od najmanje tri godine prije podnošenja zahtjeva,
- d) da podnosioc zahtjeva i njegov bračni ili vanbračni partner nemaju na drugi način riješeno stambeno pitanje,
- e) da podnosioc zahtjeva i njegov bračni ili vanbračni partner nisu bili vlasnici stana ili kuće koju su otuđili pravnim poslom,
- f) da zakupodavac stana ili kuće nije roditelj, brat ili sestra podnosioca zahtjeva ili roditelj, brat ili sestra bračnog ili vanbračnog partnera podnosioca zahtjeva,
- g) da ima zaključen ugovor o zakupu stana ili kuće na području Kantona Sarajevo, ovjeren u poreskoj upravi, zaključen do dana objavljivanja javnog poziva, a na period ne kraći od šest mjeseci.

**Član 5.****(Kriteriji za bodovanje)**

Kriteriji za određivanje broja bodova i utvrđivanja liste reda prvenstva za subvencioniranje djela zakupnine su:

- a) broj članova porodičnog domaćinstva,
- b) mjesečni prihodi po članu domaćinstva,

- c) stepen stručne spreme,
- d) visina zakupnine,
- e) član porodice šehida, poginulog ili nestalog borca, ratnog vojnog invalida, nosioca ratnog priznanja i demobilisanog borca,
- f) stepen invalidnosti.

Član 6.

(Broj članova porodičnog domaćinstva)

Broj bodova koji se dodjeljuje po osnovu kriterija broj članova porodičnog domaćinstva, za svakog člana porodičnog domaćinstva računajući i podnosioca zahtjeva - 5 bodova.

Član 7.

(Mjesečni prihodi po članu domaćinstva)

Broj bodova koji se dodjeljuje po osnovu kriterija mjesečni prihodi po članu domaćinstva je:

- a) manje od 300,00 KM - 20 bodova,
- b) od 301,00 KM do 500,00 KM - 15 bodova,
- c) od 501,00 KM do 700,00 KM - 10 bodova,
- d) više od 700,00 KM - 5 bodova.

Član 8.

(Stručna sprema kandidata)

Broj bodova koji se dodjeljuje po osnovu kriterija stepen stručne spreme je:

- a) doktor nauka - 10 bodova
- b) magistar nauka ili završen drugi ciklus visokog obrazovanja sa ostvarenih ukupno 300 ECTS bodova - 9 bodova
- c) VSS ili završen prvi ciklus visokog obrazovanja u četvorogodišnjem trajanju sa ostvarenih 240 ECTS bodova, prvak opere, drame i baleta - 8 bodova
- d) VŠS ili završen prvi ciklus visokog obrazovanja u trogodišnjem trajanju sa ostvarenih 180 ECTS bodova - 6 bodova
- e) SSS - 6 bodova
- f) NS - 5 bodova

Član 9.

(Visina zakupnine)

Broj bodova koji se dodjeljuje po osnovu kriterija visina zakupnine je:

- a) do 300,00 KM - 15 bodova,
- b) od 301,00 KM do 500,00 KM - 10 bodova,
- c) više od 500,00 KM - 5 bodova.

Član 10.

(Član porodice šehida, poginulog ili nestalog borca, ratnog vojnog invalida i demobilisanog borca)

Broj bodova koji se dodjeljuje po osnovu kriterija član porodice šehida, poginulog ili nestalog borca, ratnog vojnog invalida i demobilisanog borca je:

- a) član porodice šehida, poginulog ili nestalog borca - 10 bodova,
- b) član porodice ratnog vojnog invalida - 5 bodova,
- c) član porodice nosioca ratnog priznanja - 4 boda,
- d) član porodice demobilisanog borca - 3 boda.

Član 11.

(Stepen invaliditeta)

(1) Broj bodova koji se dodjeljuje po osnovu kriterija stepen invaliditeta u skladu sa odredbom člana 12. Zakona o osnovama socijalne zaštite, zaštite civilnih žrtava rata i zaštite porodice sa djecom je:

- a) za lice sa invaliditetom sa 20-30% oštećenja organizma - 2 boda,

- b) za lice sa invaliditetom sa 30-40% oštećenja organizma - 3 boda,
- c) za lice sa invaliditetom sa 40-50% oštećenja organizma - 4 boda,
- d) za lice sa invaliditetom sa više od 60% oštećenja organizma - 5 bodova,
- e) za svakih narednih 10% oštećenja organizma dodaje se po - 2 boda.

(2) Broj bodova koji se dodjeljuje po osnovu kriterija stepen invalidnosti u skladu sa odredbama člana 39. Zakona o penzijskom i invalidskom osiguranju je:

- a) za I kategoriju invalidnosti - 10 bodova,
- b) za II kategoriju invalidnosti - 5 bodova.

Član 12.

(Redoslijed na listi prvenstva u slučaju jednakog broja bodova)

U slučaju jednakog broja bodova, prednost na listi prvenstva se daje kandidatu koji je dobio veći broj bodova prema redoslijedu kriterija iz člana 5. ove odluke, a u slučaju istog broja bodova i po tom osnovu, kandidati se na listi prvenstva upisuju po abecednom redu prezimena i imena kandidata.

Član 13.

(Dokumentacija uz zahtjev po javnom pozivu)

(1) Uz zahtjev po javnom pozivu, kao dokaz da ispunjava uslove iz člana 4. ove odluke i dokaz za utvrđivanje broja bodova po kriterijima iz člana 5. ove odluke, podnosilac zahtjeva dostavlja slijedeću dokumentaciju:

- a) izvod iz matične knjige rođenih za podnosioca zahtjeva i članove njegovog porodičnog domaćinstva,
- b) uvjerenje o državljanstvu za podnosioca zahtjeva,
- c) uvjerenje Ministarstva unutrašnjih poslova Kantona Sarajevo o kretanju za podnosioca zahtjeva i njegovog bračnog ili vanbračnog partnera,
- d) uvjerenje Općinskog suda u Sarajevu da podnosilac zahtjeva i punoljetni članovi njegovog porodičnog domaćinstva nisu vlasnici stana ili kuće na području Kantona Sarajevo,
- e) za podnosioca zahtjeva i njegovog bračnog ili vanbračnog partnera, koji su rođeni van područja Kantona Sarajevo, a na području Bosne i Hercegovine, uvjerenje nadležnog suda da nisu vlasnici stana ili kuće u mjestu rođenja, prema izvodu iz matične knjige rođenih,
- f) izjavu podnosioca zahtjeva ovjerenu kod nadležnog organa, da on i njegov bračni ili vanbračni partner nisu bili vlasnici stana ili kuće koju su otuđili pravnim poslom,
- g) izjavu podnosioca zahtjeva ovjerenu kod nadležnog organa da zakupodavac stana ili kuće nije roditelj, brat ili sestra podnosioca zahtjeva ili roditelj, brat ili sestra bračnog ili vanbračnog partnera podnosioca zahtjeva,
- h) ugovor o zakupu stana ili kuće na području Kantona Sarajevo, ovjeren u poreskoj upravi, zaključen do dana objavljivanja javnog poziva, a na period ne kraći od šest mjeseci,
- i) potvrda poslodavca o mjesečnim primanjima za podnosioca zahtjeva i njegovog bračnog ili vanbračnog partnera,

- j) za nezaposlenog podnosioca zahtjeva i njegovog bračnog ili vanbračnog partnera potvrda Službe za zapošljavanje,
  - k) diplomu o završenoj stručnoj spremi za podnosioca zahtjeva,
  - l) ispravu nadležnog organa za kriterij iz člana 10. ove odluke,
  - m) ispravu nadležnog organa o stepenu invalidnosti,
- (2) Obrazac zahtjeva i obrazac izjave iz stava (1), tač. f) i g), ovog člana podnosilac zahtjeva preuzima sa web stranice Ministarstva.
- (3) Dokumentacija iz stava (1) ovog člana predaje se u originalu ili ovjerenoj fotokopiji.
- (4) Datum izdavanja dokumentacije iz stava (1), tač. b), c), d), e), i) i j) ovog člana, ne može biti stariji od tri mjeseca od dana podnošenja zahtjeva.

Član 14.

(Postupak podnošenja zahtjeva i utvrđivanja liste reda prvenstva za subvencioniranje dijela zakupnine stana ili kuće mladim u bračnoj ili vanbračnoj zajednici)

Postupak podnošenja zahtjeva i utvrđivanja liste reda prvenstva za subvencioniranje dijela zakupnine stana ili kuće mladim u bračnoj ili vanbračnoj zajednici se realizuje po slijedećoj proceduri:

- a) Ministarstvo raspisuje javni poziv za subvencioniranje dijela zakupnine stana ili kuće mladim u bračnoj ili vanbračnoj zajednici i objavljuje ga u jednim od dnevnih novina, web stranici Kantona Sarajevo i web stranici Ministarstva, sa rokom ne kraćim od 30 dana za podnošenje zahtjeva,
- b) zahtjev sa dokazima iz člana 13. ove odluke podnosi se komisiji koju imenuje ministar komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: ministar),
- c) komisija, po zaključenju javnog poziva, otvara sve prijave i poziva podnosioca zahtjeva da dopuni zahtjev i dokaze uz zahtjev, ukoliko je isti nepotpun u roku od sedam dana i provjerava da li podnosilac zahtjeva ispunjava uslove iz člana 4. ove odluke,
- d) komisija odbacuje zahtjev podnosioca koji u ostavljenom roku iz tačke c) ovog člana ne dopuni dokumentaciju i koji ne ispunjava uslove iz člana 4. ove odluke i o tome obavještava podnosioca zahtjeva čije je zahtjev odbačen,
- e) komisija vrši bodovanje kandidata u skladu sa kriterijima iz člana 6. do 11. ove odluke,
- f) komisija utvrđuje nacrt liste reda prvenstva za subvencioniranje dijela zakupnine stana ili kuće mladim u bračnoj ili vanbračnoj zajednici i objavljuje je na web stranici Kantona Sarajevo i web stranici Ministarstva,
- g) na nacrt liste reda prvenstva za subvencioniranje dijela zakupnine stana ili kuće mladim u bračnoj ili vanbračnoj zajednici, podnosilac zahtjeva može u roku od sedam dana od dana objavljivanja nacrta liste reda prvenstva za subvencioniranje dijela zakupnine stana ili kuće mladim u bračnoj ili vanbračnoj zajednici, izjaviti prigovor ministru,

- h) ministar razmatra prigovor, nakon čega pismeno obavještava podnosioca zahtjeva o donesenoj odluci po prigovoru,
- i) konačnu listu reda prvenstva za subvencioniranje dijela zakupnine stana ili kuće mladim u bračnoj ili vanbračnoj zajednici, na prijedlog komisije, utvrđuje ministar i objavljuje je na web stranici Kantona Sarajevo i web stranici Ministarstva.

Član 15.

(Postupak dodjele sredstava)

- (1) Na osnovu konačne liste reda prvenstva za subvencioniranje dijela zakupnine stana ili kuće mladim u bračnoj ili vanbračnoj zajednici, ministar prijedlog odluke sa imenom i prezimenom kandidata i iznosom novčanih sredstava kojima se subvencionira dio zakupnine stana ili kuće mladim u bračnoj ili vanbračnoj zajednici, dostavlja Vladi Kantona Sarajevo na usvajanje.
- (2) Ministarstvo po odluci iz stava (1) ovog člana vrši isplatu sredstava kandidatima na ime subvencioniranja dijela zakupnine stana ili kuće mladim u bračnoj ili vanbračnoj zajednici.

Član 16.

(Ravnopravnost spolova)

Gramatička terminologija korištenja muškog ili ženskog spola podrazumijeva uključivanje oba spola.

Član 17.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-28993-24/22  
28. jula 2022. godine  
Sarajevo

Po ovlaštenju premijera  
Ministrica  
**Aleksandra Nikolić, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 87. sjednici održanoj 28.07.2022. godine, donijela je

**ODLUKU**

**O DAVANJU SAGLASNOSTI ZA PRODUŽENJE  
RADNOG VREMENA U UGOSTITELJSKIM  
OBJEKTIMA I ZA OKUPLJANJE NA MJESTIMA GDJE  
SE JAVNO ODRŽAVAJU PROJEKCIJE 28.  
"SARAJEVO FILM FESTIVALA" U PERIODU OD 12.08.  
DO 19.08.2022. GODINE**

**I**

Za vrijeme održavanja 28. "Sarajevo Film Festivala" u periodu od 12.08. do 19.08.2022. godine Vlada Kantona Sarajevo daje saglasnost za produženje radnog vremena do 02,00 sata u ugostiteljskim objektima i za okupljanje na mjestima gdje se javno održavaju projekcije "Sarajevo Film Festivala".

**II**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-28993-25/22  
28. jula 2022. godine  
Sarajevo

Po ovlaštenju premijera  
Ministrica  
**Aleksandra Nikolić, s. r.**